

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-14829/19
Sarajevo, 13.8.2019. godine

Na osnovu člana 64. stav (1) podtačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14), člana 3. stav (3) Pravilnika o uslovima i načinu korištenja e-aukcije i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na redovnom održavanju cesta, izradi i obnovi saobraćajne signalizacije na lokalnim i nekategorisanim cestama

I

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na redovnom održavanju cesta, izradi i obnovi saobraćajne signalizacije na lokalnim i nekategorisanim cestama, broj obavještenja 422-1-3-190-3-89/19, objavljen u „Službenom glasniku BiH – Oglasnik za javne nabavke“, br. 49/19 od 19.7.2019. godine, dodjeljuje se ponuđaču: KJKP „Rad“ d.o.o. Sarajevo, ulica Paromlinska br. 64, sa ponuđenom cijenom za ugovor u iznosu od 249.989,20 KM sa uračunatim PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u podtački 3.1.3. tenderske dokumentacije, koji se odnose na član 45. stav 2 tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je ponuđač dostavio ovjerene dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost, kao i licencu za poslove redovnog održavanja cesta izdatu od strane Federalnog ministarstva prometa i komunikacija, te se oslobađa naknadnog dostavljanja istih.

Obrazloženje

Odlukom broj 02/12-23-14829/19 od 09.7.2019. godine Općina Novi Grad Sarajevo pokrenula je postupak javne nabavke za izvođenje radova na redovnom održavanju cesta, izradi i obnovi saobraćajne signalizacije, u otvorenom postupku, broj obavještenja 422-1-3-190-3-89/19 objavljen u „Službenom glasniku BiH – Oglasnik za javne nabavke“ br.47/19 od 12.7.2019. godine.

Zapisnikom o otvaranju ponuda od 02.8.2019. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda i to ponuđača: KJKP „Rad“ d.o.o. Sarajevo. Zapisnik sa otvaranja ponuda dostavljen je ponuđaču na fax u zakonom predviđenom roku.

Komisija je izvršila analizu i procjenu dokumentacije kojom ponuđač treba dokazati svoju kvalifikovanost za učešće u ovom postupku, te utvrdila da ponuđača KJKP „Rad“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji.

Nakon što je Komisija utvrdila da je dostavljena jedna ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora KJKP „Rad“ d.o.o. Sarajevo, te je shodno odredbama člana 69. i 70. Zakona o javnim nabavkama odlučeno kao u dispozitivu.

Pouka o pravnom lijeku:


Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila 
mr. Neira Smajić Šahić

DOSTAVITI:

1. Ponuđaču – učesniku u postupku
(KJKP „Rad“ d.o.o. Sarajevo)
2. Služba za zajedničke poslove
3. Komisiji za javne nabavke radova
4. U spis




Općinski načelnik
mr. Semir Efendić